

Hisob siyosatidagi o'zgartishlar

18. Hisob siyosatidagi o'zgartishlar belgilangan tartibda ko'zda tutilgan hollardagina yoki o'zgartishlar xo'jalik yurituvchi sub'yektning moliyaviy hisobotlarida axborotni yanada ishonchliroq taqdim etishga ko'maklashsagina o'tkazilishi mumkin.

19. Hisob siyosatidagi o'zgartishlar natijasida yuz bergan o'zgarishlar summasi quyidagicha amalga oshirilishi kerak:

19.1. Yil boshidagi taqsimlanmagan foyda saldosi o'zgartirish yo'li bilan buxgalteriya balansiga yozib qo'yish;

19.2. Hisobot davridagi sof daromad yoki zararni aniqlashga kiritish.

20. Hisob siyosatidagi o'zgartishlar moliyaviy hisobotni taqdim etishning oldingi davriga nisbatan hisobot davriga muhim ta'sir o'tkazsa yoki kelgusi hisobot davrlariga ta'sir o'tkazadigan bo'lsa, xo'jalik yurituvchi sub'yekt tushuntirishlarda quyidagi axborotlarni yoritib berishi kerak:

20.1. O'zgartishlar sabablarini;

20.2. Hisobot davridagi va taqdim etilgan oldingi davrlardagi tuzatishlar summasini;

20.3. Joriy davrdagi sof daromad yoki zararda hisobga olingan tuzatish summasini;

20.4. Qiyosiy ma'lumotlarga kiritilgan hisobot davridan oldingi davrlardagi tuzatishlar summasini;

20.5. Qo'shimcha ma'lumotlar keltirilgan har bir hisobot davriga kiritilgan tuzatishlar summasini va moliyaviy hisobotlarga kiritilgan davrlardan oldingi davrlar bilan bog'liq tuzatishlar summasini. Agar qiyosiy

axborot kiritilgan bo'lsa yoki qo'shimcha ma'lumot taqdim etish imkoniyati bo'lmasa, bu holat yoritib berilishi kerak;

20.6. Qayta hisoblangan qiyosiy ma'lumotlarni yoki ularni qayta hisoblash maqsadga muvofiq emasligining sabablarini.